



**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

17. An unus pro alio tam vivo quam mortuo satisfacere possit.

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

to, quod ex opere operato operatur: illa verò à virtute pœnitentia tantum. Ethinc sit, quod hinc impleta etiam in peccato mortali revivescat, & suum effectum fortioratur remota fictione, seu accedente gratia, & recuperata charitate: non autem illa. Vide Navar. in can. 1. n. 48. *De pœnit.* Diff. 6. ubi rationem reddit.

§. XV.

Per quænam opera satisfiat, & de modo in satisfactione servando.

1. Satisfacit pœnitens per bona opera, etiam non pœnalis.
2. Item per bona opera alias debita.
3. De modo servando in pœnitentia impoñenda.

1. **S**atisfacit verò pœnitens per bona opera, non modò pœnalia, sed etiam non pœnalia. Nam & dirissimus ac liberalissimus potest satisfacere per elemosinam, & temperatissimus per jejuniū; quorum tamē neuter ex talibus sient pœnam aut tristitiam, licet quo magis penalia sunt, eo magis sint satisfactoria.

2. Rursus non tantum per opera bona alias non debita, sed & per alias debita, satisfacere quis potest; Navar. in can. 1. *De pœnit.* Diff. 6. n. 40. & in *Manuali* c. 26 n. 23. Nec mirum, posse quem unico actu satisfacere duplice obligationi aut pluribus, cum unico jejuno satisfaciat quis vigilia & quatuor temporibus: unico sacro diei festo ac Dōminico: unica recitatione officii beneficio & ordini sacro; & sic de similibus.

3. Quis autem modus in Satisfactione seu Pœnitentia imponenda sit servandus, docet Conc. Trid. *Sejj. 14. c. 8.* Cum enim Sacerdos simul sit constitutus Iudex & medicus, eique dat sint claves ad solvendum & ligandum, curare debet, ut secundum mensuram delicti si plagarum modus, *Deut. 25.* Ideoque diligenter perpendat necesse est quantitatem & qualitatem, aliasque circumstantias delicti, cap. 3. &c. *Deus 8. b. tit.* contritionem atque atatem pœnitentis, can. *De his, cum aliquot seqq xxvi. q. 7. cap. 2. sup. De delictu puerorum, & similibus.* Item scientiam, velut an amens vel furiosus deliquerit, can. *Judicat. 3. q. 9. can. Si quis insaniens xv. q. 1.* au putaverit se delinquere, an non, l. fin. *D. De iuris.* In supersexum, can. *indignansur xxii.*

9. 6. ac conditionem, can. *Qui compulsius xxii. q. 5 can. aut facta De pœnit. Diff. 1.* Praeterea obser-vate debet modum, tempus, locum, delinquendi voluntarem, propositum, eventum, ceteraque, quæ, ut delicta, ita & penas delinquentium variant, *juxta l. Aut facta D. De pœnit.* nam, etiam his omnibus spectatis, lex civilis penas arbitra-tur, d. l. *Aut facta:* ut de his fuisus Tholosan. *Syn-tog. Iuris universi: 30 à c. 2. usque ad 11. Navar.* in can. *Mensuram de pœnit. Diff. 1.*

§. XVI.

An pœnitens teneatur acceptare & adim-plerre pœnitentiam sibi imposi-tam.

1. Teneri acceptare & adimplere probatur.

1. **T**enerere pœnitentem semper acceptare & adimplere pœnitentiam rationabilem sibi impositam, nisi legitimè commutetur, probatur ex c. *Omnium utriusque 12 b. t. Glos. in can. Contrarrium De pœnit. Diff. 5.* Ratio peti potest ex Cone. Trid. d. *Sejj. 14. c. 8.* & can. 13. cum enim ibi dicatur, *Sacerdoti datas esse claves, non solum ad solvendum, sed etiam ad ligandum, haud dubie poterit eis debitè utendo obligare pœnitentem ad rationabilem pœnitentiam, pro peccato mortali impositam.* Censetur autem rationabilis, quæ cujusecumque statui & fragilitati con-gruit, etiamsi non sit condigna.

Si tamen quis vellit omnia reservare pœ-nam, in purgatorio persolvendam, suo judicio relinquendus erit, Navar. in can. Consideret & po-nat se De pœnit. Diff. 5. & can. Sacerdos eod. tit. Diff. 6. ubi restatur hanc esse communem DD. sententiam in c. Significavit 3. b. t.

§. XVII.

An unus pro alio tam vivo quam mortuo satisfacere possit.

1. *De fide est justum pro alio justo satisfacere posse.*
2. *Sacramentalis satisfactio per alium adimpleri nequit.*

1. **D**e fide est, posse unum justum pro aliо justo satisfacere. Colligitur ex Symbolo Fidei, in quo confitemur communionem Sanctorum, id est, secundum omnium Catholicorum.

Uuu 2

tum

— 49 —

rum interpretationem, omnium bonorum totius Ecclesiae, iuxta illud Davidis Psal. 18. *Particeps ego sum omnium timentium te, Domine, & custodientium mandata tua.* Confirmatur, quia ad Ephes. 4.1. Corinth. 12. ad Roman. 12. omnes in gratia existentes dicuntur, unum corpus in Christo: singuli autem alterius membra. Etenim membra viva unius corporis & capitum se mutuo juvant, variisque labores, in modo interdum sectiones & unctiones pro se in vicem sustinent. Unde ad Galat. 6. dicitur *Alter alterius onera portare;* onera, inquam, non modo corporalia, sed etiam spiritualia.

Dixi, justam pro justo; quia ut aliena satisfactio pro sit, debet uterque & satisfaciens, & is, pro quo satisfacit, esse in gratia & charitate: quia satisfactio unius pro alio admittitur, quatenus ambo, sunt viva membra unius corporis Christi per gratiam & charitatem: & peccatum quamdiu manet, reddit impium incapacem remissionis penae, pro peccato debita.

2. Sacramentalis tamen satisfactio, cum sit pars Sacramenti, est actus personalis, qui proinde non magis potest per alium fieri, quam unus pro alio baptizari, confirmari, vel confiteri. Ideoque si quis in articulo mortis nequeat illam adimplere per seipsum, ea implenda excusat; & si committat alteri, proderit, quidem illi, non tamen erit Sacramentalis, multo minus proderit, quam si ipsemet illam adimplevisset.

§. XVIII.

De Remissionibus seu indulgentiis.

1. *Indulgentia nomine quid hoc loco significetur.*
2. *Esse in Ecclesia potestatem concedendam indulgentias.*

Satisfactioni affinis est materia Indulgentiarum, quæ hoc loco Remissiones specialiter appellantur, eum alias Remissio in genere sit liberatio ab aliquo onere injuncto vel injungendo.

1. Ubi illud quoque premittendum est, Indulgentiam apud Latinos sumi interdum in malam partem, pro molli scilicet & delicata quadam permissione, ac nimia licentia, ut apud

Quintil. *Mollis illa educatio, quam indulgentiam vocamus, nervos omnes & mentis & corporis frangit:* & apud Plinium, *Ut similia carulos fera complexa necat, ita nonnulli parentes, insimiliter erga liberos affectu & indulgentia, corruptant idem.* Interdum in bonam partem; quandoque vero pro remissione culpæ, qua Deus multum de iure suo remittit, ut iudicis 8. *Indulgentiam eis fuisti lachrymis postulemus:* quandoque pro remissione penæ peccato debita, juxta illud Esaiæ 6. *Misit me ut moderem contritis corde, & prædicarem capivis indulgentiam.* Quo modo & in fero, extero remissionis penarum vocantur indulgentiae. *Indulgentia, inquit Ipp., quos liberat, non tantum in famam criminis tollit, sed pœna gratiam facit,* &c. *C. De generali abolitione.* Ad cuius exemplum pœnarum temporalium in fero conscientiae debitum remissio recte dicitur indulgentia. Et his duabus posterioribus significacionibus accipitur Indulgentia hoc t. Decretal. Hic autem ageremus de ea secundum postremam significacionem, non quidem quomodolibet, sed prout sumitur pro condonatione penæ temporalis, Deo debita, pro peccato jam remisso, quoad culpam, extra sacramentalem absolutionem facta seu concessa à Prælato Ecclesiæ, ex thesauro ipius Ecclesiæ. Nam licet per contritionem & confessionem Sacerdoti factam deleatur culpa peccatorum: remanet tamen pœna temporalis, in quam æterna commutatur, subeunda, ut ante diximus, & patet ex can. *Si peccatum De penit. Distinct. 1.* Haec autem per remissionem & indulgentiam exinguuntur.

1. *Esse vero in Ecclesia hujusmodi potestatem concedendi indulgentias pater ex cap. Cum ex eo 40. hoc tit. Extravag. Vnigenitus cod. ex Concil. Trid. Sess. 21. cap. 9. & sess. 25. in Decreto De indulgentiis:* ex Scriptura item facta, Matth. 16. illis verbis, *Tibi dabo, claves regni celorum:* & alius quibus Christus promisit Petro, ejusq. successoribus, claves regni celorum unaque cum clavis amplissimam potestatem tollendi impedimentum ingressus in regnum illud: cuiusmodi haud dubie est non solum culpa, sed etiam reatus pœna Rorbus Matth. cap. 18. illis verbis. *Quacunque soleritis super terram* &c. & Ioan. 20. *Quorum remissoris peccata &c.* Quibus concessa est Apostolis omnibus.